

loro veche kerela peske buki.

Ekh dies i romni leskeri ushtel.

– U, anaswnw siktimini! Katar me vorbindyom leske? Ov dori asvaylo. Me dori trebva te dzhav te rodav les.

Ushtini i rakli, phabarel o ayroplanos, vazdel les. Kate ka hulel, hulis-to ko swshtone grados kate si o raklo. Swshtone thaneste hulistili, geli ko cheshmyava te thovel pes. Lyas te thovel pes, dikhlyas i snimka leskeri. I karlori kerdas pes akana mursh. Uristyas murshikani sheya, khidindyas pe bala, thovdyas kaya gugla kay pe sheres. Nikon nashti te phenel, chi si dzhuvli. Dikhel ekh manushes.

– Ey, kherata! Av kate, hale tuke ekh galaganos. Keka manushes pindzhares?

– Pindzharava.

– Ingyares ma pasha leste?

– Mozhe.

Lyas, ingyardas les. Nakhlyas ko kafene. Kay dikhlyas les, pindzhardas les. Dikhlyas ov, pindzhardas la li ov. Beshti i rakli, shtrap – vednaga lake ekh kafyava.

– Kon si o saybiyas o kafeneke?

– Me.

– Ela tuka. Besh karig. Kava manush vorbinel?

– Ne, kava manush ni vorbinel.

– Lachhes, kava manush ni vorbinel. An te thoas tusa bastya, ako vorbinela me ka lav les tutar, ako nashti vorbinela ka dav tut opash aruplanos zlatos.

Kundrati diye, kundrati. Diye bas.

– Ka des man ekh rat me pashaleste te beshav, ande leskiri staya.

– Ovel.

Diyas pasha leste ande leskiri staya. Nangili nangi, chhityas pes ande leste sar leskeri romni.

– A be, roma, opash aruplani zlatos ka dav. Soske nakames te vorbines, vorbisar?

O chhavo mangel te vorbinel, ama nashti. Sabayle ushtine, o zlatos lile les.

– Ma sigyar, adzhay ekh basi isi man. Adzhay ekh rat ka des ma, ako nashti vorbinel ka les opash aroplanos rup.

Kundrati diye, kundrati. Sabayle lile e rup.

– Ma sigyar! Tu lilyan zlatos, lilyan rup, ka dav tu dori o ayroplani. Ako nashti vorbinel dori, halali tovel tuke dori o aroplanos.